



ÅLESUND KOMMUNE

Retningslinjer for tildeling av prisar i Ålesund kommune

Kulturprisen

Kulturprisen skal tildelast den som gjer ein særleg innsats for å fremje kulturarbeid og gjere kultur tilgjengeleg for innbyggjarane i kommunen.

Alle innbyggjarar, frivillige organisasjonar og kulturinstitusjonar i Ålesund kommune kan foreslå kandidatar til prisen. Forslag på kandidatar må ha god grunngjeving.

Kven kan motta prisen?

Prisen kan tildelast ein person eller organisasjon.

For å kunne få tildelt prisen må vedkommande vere busett i Ålesund kommune eller ha særleg tilknytning til kommunen.

Mottakar av Kulturprisen får eit prisbeløp på kr 10.000,-, arbeid av lokal kunstnar til verdi rundt kr 4.000,- og eit diplom.

Kven avgjer kven som skal få prisen?

Komite for kultur og medborgarskap behandlar og tildeler prisen. Komiteen kan også velje kandidater som ikkje er foreslått av andre.

Frist

Frist for innsending av kandidatar til kulturprisen er 1. september kvart år.

Utdeling av prisen

Kulturprisen blir delt ut på kommunestyret sitt desembermøte.

Ungdommens kulturpris

Ungdommens kulturpris skal tildelast som motivasjonsfaktor og påskjøning til den som har utmerka seg gjennom kulturell utfolding eller skapande verksemd.

Alle innbyggjarar, frivillige organisasjonar og kulturinstitusjonar kan foreslå kandidatar til prisen. Forslag på kandidatar må ha god grunngjeving.

Kven kan motta prisen?

Ungdommens kulturpris kan tildelast enkeltpersoner 14-25 år, eller grupper av ungdom i denne alderen.

For å kunne få tildelt prisen må vedkommande vere busett i Ålesund kommune eller ha særleg tilknytning til kommunen.

Mottakar av Ungdommens kulturpris får eit prisbeløp på kr 10.000,-, arbeid av lokal kunstnar til verdi rundt kr 4.000,- og eit diplom.

Kven avgjer kven som skal få prisen?

Ungdomsrådet behandlar og tildeler prisen. Rådet kan også velje kandidater som ikkje er foreslått av andre.

Frist

Frist for innsending av kandidatar til Ungdommens kulturpris er 1. september kvart år.

Utdeling av prisen

Ungdommens kulturpris blir delt ut på kommunestyret sitt desembermøte.

Kunstnarprisen

Ålesund kommune sin kunstnarpris skal tildelast kunstnarar på høgt nivå eller særleg talentfulle unge kunstnarar.

Alle innbyggjarar, organisasjonar og institusjonar i Ålesund kommune kan fremje forslag om kandidater til prisen. Forslag på kandidatar må ha god grunngjeving.

Kven kan motta prisen?

Kunstnarprisen kan tildelast biletkunstnarar, brukskunstnarar, filmkunstnarar, forfattarar, komponistar, scenekunstnarar, tonekunstnarar og andre som tilfredsstillir kunstnariske krav.

For å kunne få tildelt prisen må vedkommande vere busett i Ålesund kommune eller ha særleg tilknytning til kommunen.

Mottakar av Kunstnarprisen får eit prisbeløp på kr 10.000,-, arbeid av lokal kunstnar til verdi rundt kr 4.000,- og eit diplom.

Kven avgjer kven som skal få prisen?

Komite for kultur og medborgarskap behandlar og tildeler prisen. Komiteen kan også velje kandidater som ikkje er foreslått av andre.

Frist

Frist for innsending av kandidatar til kunstnarprisen er 1. september kvart år.

Utdeling av prisen

Kunstnarprisen blir delt ut på kommunestyret sitt desembermøte.

Ålesund kommune sin heiderspris

Heidersprisen skal tildelast som heider for betydningsfull, samfunnsnyttig innsats for innbyggjarar i Ålesund kommune.

Prisen er ei påskjønning for utført arbeid, og som kan vere ei oppmuntring til å halde fram det gode arbeidet.

Alle innbyggjarar, organisasjonar og institusjonar i Ålesund kommune kan fremje forslag om kandidatar til prisen. Forslag på kandidatar må ha god grunngjeving.

Kven kan motta prisen?

Heidersprisen kan tildelast enkeltpersonar, grupper av personar, lag eller organisasjonar.

Den kan ikkje tildelast offentlege institusjonar eller landsomfattande organisasjonar som hovudsakleg finansierer arbeidet sitt med offentlege midlar.

For å kunne få tildelt prisen må vedkommande vere busett i Ålesund kommune eller ha særleg tilknytning til kommunen.

Mottakar av Heidersprisen får eit prisbeløp på kr 10.000,-, arbeid av lokal kunstnar til verdi rundt kr 4.000,- og eit diplom.

Kven avgjer kven som skal få prisen?

Kvart kommunedelsutval har ansvar for å få nominert ein kandidat frå kvar kommunedel. Kommunedelsutvala kan også velje kandidatar som ikkje er foreslått av andre.

Formannskapet vel ut ein vinnar og tildeler prisen.

Frist

Frist for innsending av kandidatar til Heidersprisen er 1. september kvart år.

Utdeling av prisen

Heidersprisen blir delt ut på kommunestyret sitt desembermøte.

Miljøprisen

Miljøprisen skal tildelast for særskild innsats for berekraftig miljø, her under klima- og energitiltak.

Alle innbyggjarar, organisasjonar og institusjonar i Ålesund kommune kan fremje forslag om kandidatar til prisen.

I grunngjevinga bør det forklarast korleis den nominerte har betra det fysiske miljøet og/eller redusert klimagassutslepp.

Kven kan motta prisen?

Prisen kan delast ut til enkeltpersonar, organisasjonar, barnehagar, skular og offentlege og private verksemder/bedrifter som har utmerka seg på miljøområdet, og som bidrar til at Ålesund kommune når klima- og miljømåla fram mot 2030.

Mottakar av Miljøprisen får eit prisbeløp på kr 10.000,-, arbeid av lokal kunstnar til verdi rundt kr 4.000,- og eit diplom.

Kven avgjer kven som skal få prisen?

Komite for teknisk, miljø og samferdsel behandlar og tildeler prisen. Utvalet kan også velje kandidater som ikkje er foreslått av andre.

Frist

Frist for innsending av kandidatar til Miljøprisen er 1. september kvart år.

Utdeling av prisen

Miljøprisen blir delt ut på kommunestyret sitt desembermøte.

Ambassadørprisen

Ambassadørprisen skal tildelast ein person som på særleg vis utmerkar seg både nasjonalt og internasjonalt, og som er ein spesielt god ambassadør for kommunen.

Denne utmerkinga blir kalla ambassadør av Ålesund. Ansvar for nominasjon og tildeling ligg hos ordførar og kultursjef.

Mottakar av ambassadørprisen får eit litografi av lokal kunstnar til verdi på kr 5 000.- og ei ålesundsnål. Prisen blir tildelt under ein lunsj med ordførar og kultursjef.

Denne utmerkinga er meint å skulle henge særst høgt, og blir ikkje tildelt årleg, men berre når aktuell kandidat ligg føre.